



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonavno tužilaštvo Srednjobosanskog
kantona/Kantonavno tužiteljstvo Središnja Bosna
Travnik

Broj: T06 0 KTPO 0037043 25
Travnik, 24.03.2026. godine

OPĆINSKI SUD U BUGOJNU
Sudcu za prethodno saslušanje

Na osnovu odredbe članka 45. stav 2. točka i), član 241. stav 1. Zakona o kaznenom postupku Federacije Bosne i Hercegovine, p o d i ž e m

O P T U Ž N I C U

Potvrđena dana 09.07.2026. godine

Protiv:
E. M.

Što je:

U periodu od 2019.godine do 2024. Godine na području općine Gornji Vakuf-Uskoplje kao porezni obaveznik u smislu člana 2. stav 1. Zakona o porezu na dohodak FBiH (Službene novine FBiH, broj:10/08, 9/10, 44/11, 7/13 i 65/13) i člana 2. stav 1. Pravilnika o primjeni Zakona o porezu na dohodak (S. Novine FBiH broj: 67/08, 4/10, 86/10, 10/11, 53/11, 20/12, 27/13, 71/13, 90/13, 45/14, 52/16, 59/16, 38/17, 03/18, i 30/18), svjestan da izbjegava plaćanje davanja propisanih poreznim zakonodavstvom u Federaciji dajući lažne podatke o svom stečenom oporezivom prihodu i da je dostavio poreznom tijelu lažne podatke čije se podnošenje po poreznom zakonodavstvu u Federaciji zahtjeva, a što je i htio postupao suprotno članu 19.,35. i 36 Zakona o porezu na dohodak FBiH i članu 63 Pravilnika o primjeni Zakona o porezu na dohodak, tako što je propustio da evidentira u obrascima SPR-1053 prihode ostvarene obavljanjem osnovne djelatnosti Mesnice Mujić u ukupnom iznosu od 282.880,0 KM ostvareni putem bankovnih računa fizičkog lica E. M., a u obrascima GPD-1051 nije evidentirao prihode u ukupnom iznosu od 26.793,00 KM ostvarene po osnovu iznajmljivanja nekretnina uplaćivani putem bankovnog računa fizičkog lica E.M., koji dohodak nije prijavio nadležnoj Poreznoj upravi, na koji način je izbjegao plaćanje poreza na dohodak od samostalne djelatnosti u visini od 10% porezne osnovice, u novčanom iznosu od 52.171.,06 KM, za koji iznos je oštetio proračun SBK, kako slijedi:

1. Dana 17.03.2020. godine na području općine Gornji Vakuf- Uskoplje postupajući u svojstvu odgovorne osobe vlasnika Mesnice „Mujić” sa sjedištem na adresi Dražev Dolac bb. Gornji Vakuf- Uskoplje izbjegao plaćanje davanja propisanih poreznim zakonodavstvom u Federaciji dajući lažne podatke o svom stečenom oporezivom prihodu za porezni period od 01.01.2019. do 31.12.2019. godine, tako što je Poreznoj upravi, Ispostava Gornji Vakuf/ Uskoplje na propisanom obrascu oznake GPD-1051 potpisao i dostavio godišnju prijavu poreza na dohodak od samostalne djelatnosti kao i ukupnog dohotka u iznosu od 15.196,00 KM, svjestan da je dostavio neistinite podatke o stečenom oporezivom prihodu, što je i htio, te propustio evidentirati prihode koje su kupci uplaćivali na tekući račun fizičkog lica E. M. otvoren kod BBI banke u iznosu od 199.780,00 KM, koji se u smislu člana 12. točka 5 Zakona o porezu na dohodak smatraju dohotkom od samostalne djelatnosti u poljoprivredi i šumarstvu na koji se obračunava porez na dohodak po stopi od 10% propisana člankom 9. Zakona, te dostavio specifikaciju za utvrđivanje dohotka od samostalne djelatnosti na propisanom obrascu, oznake SPR-1053 kao prilog ovoj prijavi za koju je znao da sadrži netočne podatke o ukupnom dohotku iz osnovne djelatnosti mesnice u iznosu od 15.196,00 KM, iako je kontrolom utvrđen uvećan dohodak za 2.126,00 KM, kao i ukupan dohodak iz samostalne djelatnosti u iznosu od **217.102,00 KM**, koji dohodak nije prijavio nadležnoj Poreznoj upravi, te je dajući lažne podatke o svom stečenom oporezivom prihodu izbjegao plaćanje poreznih davanja u iznosu od **21.290,20 KM** čime je pričinio štetu budžetu SBK/KSB i Općini Gornji Vakuf- Uskoplje.
2. Dana 18.03.2021. godine na području općine Gornji Vakuf- Uskoplje, Poreznoj upravi Ispostava Gornji Vakuf/ Uskoplje za porezni period od 01.01.2020. do 31.12.2020. godine na propisanom obrascu, oznake GPD-1051, potpisao i dostavio godišnju prijavu poreza na dohodak za koju je znao da sadrži netočne podatak o visini njegovog dohotka od samostalne djelatnosti kao i ukupnog dohotka u iznosu od 2.151,30 KM, svjestan da je dostavio neistinite podatke, što je i htio, propustio evidentirati prihode od zakupnine u iznosu od 2.157,00 KM uplaćene na tekući račun fizičkog lica E.M. kod Sparkasse dd banke i dohodak od samostalne djelatnosti u iznosu od 9.100,00 KM uplaćen na tekući račun fizičkog lica E. M. kod BBI banke, te specifikaciju za utvrđivanje dohotka od samostalne djelatnosti na propisanom obrascu, oznake i broja: SPR-1053 kao prilog ovoj prijavi koja sadrži netočne podatke o ukupnom dohotku iz osnovne djelatnosti u iznosu od 2.151,27 KM, za koji je kontrolom utvrđeno da iznosi 2.969,30 KM, te podatke o ukupno ostvarenom dohotku od samostalne djelatnosti u iznosu od 12.069,30 KM, čime je na opisani način dajući lažne podatke o svom stečenom oporezivom prihodu izbjegao plaćanje poreznih davanja u iznosu od **637,00 KM**, te pričinio štetu budžetu SBK/KSB i Općini Gornji Vakuf- Uskoplje.

3. Dana 01.02.2022. godine na području općine Gornji Vakuf- Uskoplje, Poreznoj upravi Ispostava Gornji Vakuf/ Uskoplje za porezni period od 01.01.2021. do 31.12.2021. godine na propisanom obrascu, oznake GPD-1051, potpisao i dostavio godišnju prijavu poreza na dohodak za koju je znao da sadrži netočne podatke o visini njegovog dohotka od samostalne djelatnosti kao i ukupnog dohotka u iznosu od 1.429,14 KM, svjestan da je dostavio neistinite podatke, što je i htio, propustio evidentirati prihode od zakupnine u iznosu od 4.212,00 KM uplaćene na tekući račun fizičkog lica E. M. kod Sparkasse dd banke, dohodak od samostalne djelatnosti u iznosu od 32.500,00 KM uplaćen na tekući račun fizičkog lica E. M. kod BBI banke kao i dohodak od različitih usluga iz samostalne djelatnosti u iznosu od 1.500 KM uplaćene na tekući račun fizičkog lica E.M. kod Sparkasse dd banke, te dostavio specifikaciju za utvrđivanje dohotka od samostalne djelatnosti na propisanom obrascu, oznake: SPR-1053 kao prilog ovoj prijavi koja sadrži netočne podatke o ukupnom dohotku od 1.429,14 KM, za koji je kontrolom utvrđen da iznosi 69.035,32 KM, te ukupno ostvarenom dohodku od samostalne djelatnosti u iznosu od 105.983,72 KM, čime je na opisani način dajući lažne podatke o svom stečenom oprezivom prihodu izbjegao plaćanje poreznih davanja u iznosu od 9.633,21 KM, te pričinio štetu budžetu SBK/KSB i Općini Gornji Vakuf-Uskoplje.
4. Dana 03.02.2023.godine na području općine Gornji Vakuf- Uskoplje, Poreznoj upravi Ispostava Gornji Vakuf/ Uskoplje za porezni period od 01.01.2022. do 31.12.2022. godine na propisanom obrascu, oznake GPD-1051, potpisao i dostavio godišnju prijavu poreza na dohodak za koju je znao da sadrži netočne podatke o visini njegovog dohotka od samostalne djelatnosti kao i ukupnog dohotka u iznosu od 1.638,55 KM, svjestan da je dostavio neistinite podatke, što je i htio, te propustio evidentirati prihode od zakupnine u iznosu od 9.012,00 KM uplaćene na tekući račun fizičkog lica E. M. kod Sparkasse dd banke i dohodak od samostalne djelatnosti u iznosu od 40.000,00 KM uplaćen na tekući račun fizičkog lica E.M.kod BBI banke, te dostavio specifikaciju za utvrđivanje dohotka od samostalne djelatnosti na propisanom obrascu, oznake SPR-1053 kao prilog ovoj prijavi koja sadrži netočne podatke o ukupnom dohotku u iznosu od 1.638,55 KM, za koji je kontrolom utvrđen da iznosi 53.454,15 KM, te ukupno ostvarenom dohodku od samostalne djelatnosti u iznosu od 99.762,55 KM, čime je na opisani način dajući lažne podatke o svom stečenom oprezivom prihodu izbjegao plaćanje poreznih davanja u iznosu od 9.088,92 KM, te pričinio štetu budžetu SBK/KSB i Općini Gornji Vakuf-Uskoplje.
5. Dana 14.03.2024. godine na području općine Gornji Vakuf- Uskoplje postupajući u svojstvu odgovorne osobe vlasnika Mesnice "Mujić" sa sjedištem na adresi Dražev Dolac bb. Gornji Vakuf- Uskoplje izbjegao plaćanje davanja propisanih poreznim zakonodavstvom u Federaciji dajući lažne podatke o svom stečenom oporezivom prihodu za porezni period od 01.01.2023. do

31.12.2023. godine, tako što je dana 14.03.2024. godine, Poreznoj upravi Ispostava Gornji Vakuf/ Uskoplje na propisanom obrascu, oznake GPD-1051, potpisao i dostavio godišnju prijavu poreza na dohodak za koju je znao da sadrži netočne podatke o visini njegovog dohotka od samostalne djelatnosti kao i ukupnog dohotka u iznosu od -18.854,87 KM, svjestan da je dostavio neistinite podatke, što je i htio, te propustio evidentirati prihode od zakupnine u iznosu od 11.412,00 KM uplaćene na tekući račun fizičkog lica E. M. kod Sparkasse dd banke, te specifikaciju za utvrđivanje dohotka od samostalne djelatnosti na propisanom obrascu, oznake SPR-1053 kao prilog ovoj prijavi koja sadrži netočne podatke o ukupnom dohotku u iznosu od -18.854,87 KM, iako je kontrolom utvrđen dohodak u iznosu od 116.248,91 KM ostvaren prodajom poljoprivrednih proizvoda i stoke koji se u smislu člana 14 stav 1 Zakona o porezu na dohodak smatraju poslovnim prihodima od samostalne djelatnosti na koji se obračunava porez na dohodak po stopi od 10% propisana člankom 9. Zakona, kao i ukupan dohodak iz samostalne djelatnosti u iznosu od 124.237,31 KM, koji dohodak nije prijavio nadležnoj Poreznoj upravi, te je dajući lažne podatke o svom stečenom oprezivom prihodu izbjegao plaćanje poreznih davanja u iznosu od 11.521,73 KM čime je pričinio štetu budžetu SBK/KSB i Općini Gornji Vakuf- Uskoplje.

Čime da je počinio pod točkom 1 I 5 produženo kazneno djelo Porezna utaja iz člana 273 stav 1. KZ FBiH u vezi sa članom 55 KZ FBiH, pod točkom 2,3 I 4 produženo kazneno djelo Podnošenje lažne porezne prijave iz člana 276. stav 1. KZ FBiH u vezi sa članom 55 istog zakona, a sve u vezi sa članom 54 KZ FBiH.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.